

CONVOCATORIA DE BOLSAS IBEROAMÉRICA. ESTUDANTES DE GRAO SANTANDER UNIVERSIDADES

CURSO 2019-20

De conformidade co convenio asinado entre o Banco de Santander e a Universidade da Coruña e coas bases xerais do programa “BOLSAS IBEROAMÉRICA. ESTUDANTES DE GRAO. SANTANDER UNIVERSIDADES”, publícase a convocatoria de **19** bolsas para o curso 2019-20 para realizar unha estadía semestral en universidades iberoamericanas participantes no programa. As bolsas teñen por obxecto fomentar a mobilidade internacional de estudantes españois de grao como contribución á configuración do Espazo Iberoamericano de Coñecemento (EIC) socialmente responsable.

I. NÚMERO DE BOLSAS E OBXECTO DESTAS

1. Convócanse 19 bolsas con cargo á partida orzamentaria 0800470113 422D 48000
2. Cada bolsa ascende a unha cantidade de 3000 €.
3. As bolsas destinaranse a sufragar os custos de matrícula -se os houbese-, desprazamento, seguro de viaxe, manutención e aloxamento.

II. REQUISITOS E INCOMPATIBILIDADES

A) REQUISITOS:

1. Será requisito imprescindible, para permitir a participación dos estudantes nos procesos de selección de beneficiarios, a súa inscrición previa en liña no programa de Bolsas do Banco de Santander a través da ligazón na páxina web www.becas-santander.com.
2. Estar matriculado na Universidade da Coruña tanto no curso 2018-19 como no curso 2019-20, momento de realización da estadía no estranxeiro, en estudos de grao, licenciatura, arquitectura ou enxeñaría.
3. Ter superados como mínimo 120 créditos de grao, ou superados os dous primeiros cursos de estudos de licenciatura, arquitectura ou enxeñaría.
4. Cumprir algún destes dous requisitos:
 - a) Ser seleccionado para unha **movilidade bilateral** no marco da convocatoria de mobilidade internacional da UDC 2019-20, para facer unha estadía internacional nalguna das universidades participantes do programa con sede en Arxentina, Brasil, Chile, Colombia, México, Perú, Porto Rico ou Uruguai (indicadas no apartado III), que forme parte ademais da oferta regular da UDC para o centro a que pertenza a persoa solicitante. A oferta regular da UDC para estes países está dispoñible na ligazón: <https://udc.moveon4.com/publisher/1/spa>
 - b) Ter concedida unha **libre mobilidade** para 2019-20 para facer unha estadía internacional nalguna das universidades participantes do programa con sede en Arxentina, Brasil, Chile, Colombia, México, Perú, Porto Rico ou Uruguai (indicadas no apartado III).
5. Non ser beneficiario/a dunha bolsa Santander de mobilidade a un país iberoamericano en convocatorias anteriores.
6. Non ser beneficiario/a da bolsa de intercambio bilateral propia da UDC en convocatorias anteriores.
7. Nos casos de mobilidade con destino a Brasil, onde a lingua que se empregue maioritariamente como lingua de instrución nos estudos que vai realizar na universidade de destino sexa o portugués, o/a estudante deberá acreditar a consecución dun nivel A2 completo do Marco Común Europeo de Referencia para as Linguas (MCERL) nesta lingua.

B) INCOMPATIBILIDADE COA BOLSA DE MOBILIDADE BILATERAL DA UDC

1. As bolsas Santander Grao son incompatibles coa axuda do Programa de mobilidade bilateral financiado con fondos propios da Universidade da Coruña.
2. A adxudicación e a aceptación da bolsa Santander Grao suporá a imposibilidade de obter axuda económica do programa de mobilidade bilateral da UDC para todo o curso 2019-20.
3. En caso de ter xa concedida a bolsa do programa de mobilidade bilateral da UDC para o curso 2019-20, a persoa candidata deberá achegar un escrito de renuncia a esta bolsa coa solicitude da bolsa Santander Grao, ou no momento de aceptar a bolsa Santander Grao.

III. UNIVERSIDADES DE DESTINO

1. As universidades de destino participantes, dispoñibles en **Arxentina, Brasil, Chile, Colombia, México, Perú, Porto Rico ou Uruguai** para os estudantes da UDC, están relacionadas nunha listaxe á parte dispoñible na seguinte ligazón:
http://www.udc.gal/ori/inf_estudiantes_UDC/bolsas_complementarias/santanderiberoamerica.html
2. A estadía na universidade de destino deberase realizar no período comprendido entre o 1/07/2019 e o 31/08/2020. En todo caso, o inicio da mobilidade sempre terá que ser antes de finalizar o mes de marzo de 2020.

IV. PASOS QUE HAI QUE SEGUIR PARA PRESENTAR UNHA SOLICITUDE

A) INSCRIPCIÓN EN LIÑA E FORMALIZACIÓN POR ESCRITO DAS SOLICITUDES:

1. O/a estudante que decida presentar unha solicitude **deberá formalizar obrigatoriamente con anterioridade a súa inscrición previa en liña** no programa de Bolsas do Banco Santander a través da ligazón da páxina web www.becas-santander.com.
2. A inscrición en liña no programa de Bolsas do Banco Santander por si soa non constitúe a presentación da solicitude. Os estudantes que só realicen esta inscrición en liña quedarán excluídos do proceso de selección.
3. Unha vez que realicen a inscrición en liña, os estudantes **deberán presentar unha solicitude segundo o modelo que se xunta (anexo I)** dirixido á directora da Oficina de Relacións Internacionais. Só a presentación desta solicitude lle dá dereito ao/a estudante a participar no proceso de selección.

B) DOCUMENTACIÓN ADICIONAL QUE DEBE ACOMPAÑAR A SOLICITUDE:

A solicitude deberá vir acompañada, en todo caso, da copia do expediente académico con cálculo da nota media de acordo co protocolo do SUG do 15/11/2011 (DOG 30/11/2011) segundo o establecido no RD 1125/2003, do 05/09/2003 (BOE do 18/09/2003). Terá validez o extracto impreso por internet, sempre que a impresión se realizase nunha data coincidente coa da presentación da solicitude.

Adicionalmente, a solicitude poderá, de ser o caso, vir acompañada da seguinte documentación:

1. Cando o solicitante participe no programa como **estudante de libre mobilidade**:
 - a. unha copia da carta de aceptación na universidade de destino participante do programa
 - b. a copia da carta de concesión da UDC da **libre mobilidade** en 2019-20.
2. No caso en que o **destino** da mobilidade sexa **Brasil**, o estudante deberá presentar o certificado acreditativo do nivel A2 completo de portugués.
3. No caso de que o candidato **teña concedida previamente a bolsa de mobilidade bilateral da UDC**, a renuncia a esta bolsa segundo o modelo do anexo III.

C) LUGAR E PRAZO PARA PRESENTAR AS SOLICITUDES

1. As solicitudes presentaranse preferentemente no Rexistro Electrónico da UDC, no Rexistro Xeral da Universidade da Coruña (Maestranza, 9, 15001 A Coruña) ou nos rexistros auxiliares do campus da Coruña, provisionalmente na Zapateira (Facultade de Ciencias)

ou do campus de Ferrol (Dr. Vázquez Cabrera s/n, Esteiro, 15403 Ferrol). Así mesmo, poderanse presentar por calquera dos procedementos previstos no artigo 16.4 da Lei 39/2015, do 1 de outubro, de procedemento administrativo común das administracións públicas.

2. Poderanse presentar a partir do día seguinte ao da publicación desta convocatoria no Taboleiro Electrónico **ata as 14:00 h do día 30 de abril de 2019**.

V. SELECCIÓN DAS PERSOAS BOLSEIRAS E RESOLUCIÓN

A) CRITERIOS DE SELECCIÓN E COMISIÓN DE SELECCIÓN

1. A selección das persoas bolseiras farase entre as solicitudes presentadas validamente mediante a aplicación dos seguintes criterios:
 - a) Terán prioridade os candidatos seleccionados para unha mobilidade bilateral no marco da convocatoria de mobilidade internacional 2019-20, sobre os candidatos seleccionados para facer unha libre mobilidade.
 - b) Dentro dos estudantes pertencentes a cada grupo (o de estudantes de mobilidade bilateral e, no caso de quedar bolsas sen adxudicar, o de estudantes de libre mobilidade) terán preferencia aqueles cunha nota media máis alta. A nota media do expediente académico dos estudantes calcularase de conformidade coa normativa que rexa o cálculo das medias na UDC e ponderado co coeficiente corrector de 1.17 para as titulacións técnicas, como se aplica nas convocatorias de bolsas do MEC.
 - c) No caso de que a nota media de dous estudantes sexa idéntica, daráselle prioridade aos candidatos que teñan aprobados máis créditos da súa titulación.
2. A Comisión encargada da selección estará formada por:
 - a vicerreitora de Internacionalización e Cooperación: Pilar García de la Torre
 - a directora da Oficina de Relacións Internacionais: Begoña Crespo García
 - a técnica da Oficina de Relacións Internacionais: Sandra King

B) RESOLUCIÓN E RECURSOS

1. A resolución definitiva das bolsas publicarase no Taboleiro Electrónico e na páxina web da Oficina de Relacións Internacionais: www.udc.gal/ori, antes do 31/05/2019.
Contra esta resolución, a persoa interesada poderá interpoñer un recurso de reposición ante o reitor no prazo dun mes a partir do día seguinte á publicación.

VI. A ACEPTACIÓN DA BOLSA E AS SÚAS CONSECUENCIAS

1. A persoa beneficiaria da bolsa deberá subscribir o Documento de aceptación (ANEXO II, que consta de 2 páxinas) e facerllo chegar á ORI, preferentemente por correo electrónico a rrii@udc.es, xunto cunha fotocopia do DNI, no prazo máximo de 5 días a partir da publicación da listaxe definitiva de persoas seleccionadas. Ademais, a persoa beneficiaria deberá ter aceptada a bolsa a través do portal www.becas-santander.com, antes do 10/06/2019.
2. Calquera incumprimento do prazo de aceptación a unha das axudas suporá a anulación automática da adxudicación.
3. En calquera caso, a concesión da axuda queda supeditada á aceptación da persoa seleccionada pola universidade de destino.
4. A aceptación da bolsa Santander Grao implica o consentimento das persoas participantes para a cesión dos seus datos persoais ao Banco Santander, S.A. coa finalidade de verificar a participación no Programa e o seu seguimento e a incorporación destes ao ficheiro de usuarios das páxinas web de Internet propiedade de Banco Santander, S.A., que constitúen o Portal de Bolseiros a que se accede actualmente desde Bolsas-Santander (www.becas-santander.com) para a finalidade da xestión e prestación dos servizos propios da bolsa. Neste sentido, o Santander e as universidades participantes, igualmente, comprométense,

no necesario, a cumprir o establecido na Lei orgánica 3/2018, do 5 de decembro, de protección de datos persoais e garantía dos dereitos dixitais e demais lexislación concordante e aplicable nesta materia.

VII. OBRIGAS DAS PERSOAS BOLSEIRAS

Sen prexuízo das demais obrigas e dereitos establecidos na presente convocatoria e no programa de mobilidade (bilateral ou libre mobilidade) en que participe o/a estudante, a persoa adxudicataria dunha bolsa Santander Grao terá que cumprir coas seguintes obrigas:

1. A persoa beneficiaria da bolsa "Iberoamérica. Estudiantes de grado. Santander Universidades" deberase inscribir como tal obrigatoriamente na páxina: www.becas-santander.com antes do 30 de abril de 2019.
2. O/a estudante beneficiario/a deberá aceptar a bolsa a través da plataforma habilitada no portal de bolsas www.becas-santander.com antes do 10/06/2019.
3. O seguro obrigatorio que o/a estudante seleccionado/a deberá contratar terá a mesma duración da bolsa e deberá incluír, como mínimo, as coberturas de: (i) falecemento ou invalidez permanente por accidente, (ii) transporte ou repatriación sanitaria de falecidos, feridos ou enfermos, (iii) gastos médicos e cirúrxicos, hospitalización por enfermidade ou accidente, (iv) responsabilidade civil privada. O estudante deberalle achegar á ORI a copia do seguro contratado ANTES DO INICIO DA MOBILIDADE.
4. As persoas adxudicatarias terán a obriga de demostrar o rendemento académico alcanzado e presentarse obrigatoriamente ás probas de avaliación da universidade de destino en que deben superar un número de créditos igual ou superior ao vinte por cento do total de créditos que cursa no centro de destino.
5. Todos os bolseiros deberán autorizar a universidade para que lle proporcione ao Santander a través da páxina www.becas-santander.com e na ligazón correspondente ao programa, a información que este lles requira para estes efectos.

VIII. INCUMPRIMENTO

A solicitude supón a aceptación da convocatoria e das súas bases. Calquera incumprimento da convocatoria ou das súas bases suporá a devolución da axuda recibida.

IX. PAGAMENTOS

1. O importe da bolsa aboarao a UDC exclusivamente mediante unha transferencia bancaria a unha conta aberta a nome do/a bolseiro/a nunha oficina do Banco Santander en España.
2. Os pagamentos realizaranse en dous prazos: o primeiro prazo (80 %) farase efectivo ao recibir na Oficina de Relacións Internacionais a certificación da incorporación á universidade de destino; o segundo prazo (20 %) farase efectivo ao recibir na Oficina de Relacións Internacionais a certificación do fin de estadía e o informe final de experiencia da persoa candidata.

O reitor

Julio Abalde Alonso



ANEXO I

SOLICITUDE BOLSAS SANTANDER GRAO CURSO 2019-20

DATOS DA PERSOA SOLICITANTE

APELIDOS _____ NOME _____

NIF _____

ENDEREZO _____ LOCALIDADE _____

PROVINCIA _____ CÓDIGO POSTAL _____

TEL. _____ CORREO ELECTRÓNICO _____@udc.es

TITULACIÓN NA UDC _____

CENTRO NA UDC _____

UNIVERSIDADE DE DESTINO PARA A QUE SOLICITA A BOLSA:

Universidade de destino _____

Titulación de destino _____

Modalidade de mobilidade: ☐ Mobilidade bilateral ☐ Libre mobilidade

DOCUMENTACIÓN QUE ACHEGA

- ☐ Copia do expediente académico con nota media
☐ Documentación relativa á libre mobilidade ☐ Xustificante de nivel de idiomas
☐ Escrito de renuncia á bolsa de mobilidade bilateral da UDC

Declaro que me inscribirei na páxina www.becas-santander.com antes do 30/04/2019.

Autorizo a que os meus datos persoais sexan cedidos ao Banco Santander para as seguintes finalidades:

☐ para os incorporar ao ficheiro do actual Portal de Bolsas Santander www.becas-santander.com, ou do que o substitúa, co fin de lle facilitar á persoa usuaria a información que necesite para os seus estudos e servizos en que poida estar interesada.

☐ para fins estatísticos, así como para o estudo da utilización dos servizos por parte dos usuarios, o deseño de novos servizos e o envío de información técnica e operativa acerca dos seus servizos para que a persoa usuaria se beneficie de todos eles.

☐ para me enviar información sobre produtos propios do Banco, así como información institucional deste.

Infórmase a/o solicitante de que os datos persoais recibidos e cedidos serán utilizados única e exclusivamente para as finalidades que autorizara.

A Coruña, _____ de _____ de 2019

Sinatura da persoa solicitante _____

SRA. DIRECTORA DA OFICINA DE RELACIÓNS INTERNACIONAIS DA UDC



ANEXO II (2 páxinas)

ACEPTACIÓN OU RENUNCIA

**BOLSAS SANTANDER GRAO
CURSO 2019-20**

NOME E APELIDOS _____

DNI _____ ENDEREZO _____

LOCALIDADE _____ CÓDIGO POSTAL _____

PROVINCIA _____ TELÉFONOS _____

CORREO ELECTRÓNICO _____

☐ **ACEPTO** as condicións da axuda e declaro que rexistrei a miña aceptación na páxina www.becas-santander.com, para a estadía na universidade de destino _____

- Teño unha conta aberta ao meu nome na oficina do Banco Santander.

Nº de conta bancaria: _____ (é obrigatorio achegar o impreso de "solicitud de pagamento por transferencia" debidamente asinado)

- Teño contratado o seguro pola duración total da estadía.

☐ **RENUNCIO** á axuda _____

A Coruña, _____

Asdo.:

OFICINA DE RELACIÓNS INTERNACIONAIS DA UDC



UNIVERSIDADE DA CORUÑA
CIF: Q 6550005 J
Rúa da Maestranza, 9
15001 A Coruña

SOLICITUDE DE PAGAMENTO POR TRANSFERENCIA
E MODIFICACIÓN DE DATOS PERSOAIS E/OU BANCARIOS ⁽¹⁾

I. DATOS DA PERSOA FÍSICA OU XURÍDICA ACRETORA		
NIF/NIE/CIF/PASAPORTE: ⁽²⁾		ALTA FISCAL PARA NOVOS RESIDENTES (NIE)
		☐ Declaro estar dado/a de alta no modelo fiscal 030 (NIE) ⁽³⁾
Nome e apelidos ou denominación social:		
Enderezo fiscal:		
Municipio	Provincia	
Teléfono fixo:	Móbil:	Correo electrónico:

II. DATOS DO/A REPRESENTANTE	
NIF: ⁽²⁾	Nome e apelidos:

III. DECLARACIÓN DA ACTIVIDADE EMPRESARIAL
☐ Declaro que a miña actividade empresarial está incluída na listaxe do artigo 95.6 do Regulamento do IRPF (retención do 1%) o cal se reflectirá na facturación que emita para a Universidade da Coruña.

IV. BAIXA DE DATOS BANCARIOS
Código IBAN
E S

V. ALTA DE DATOS BANCARIOS
Código IBAN
E S

CONSTANCIA DA ENTIDADE FINANCEIRA ⁽⁴⁾
Certifico a existencia da conta que se referencia en "V. Alta de datos bancarios" aberta a nome da persoa titular que se reflicte en "I. Datos da persoa física ou xurídica acreedora".
O/a apoderado/a
(SELO)
(Sinatura)

Ferrol, A Coruña, de de.....

(Sinatura)

- (1) Calquera modificación posterior destes datos deberá formalizarse mediante un novo impreso.
- (2) Achéguese unha fotocopia do documento correspondente.
- (3) Achéguese, se proceder, unha fotocopia do modelo fiscal 030.
- (4) Esta constancia debe ser asinada pola entidade financeira, ou achegar unha certificación nun documento independente do propio banco.

SERVIZO DE XESTIÓN FINANCEIRA
SECCIÓN DE CONTABILIDADE

ANEXO III

MODELO DE RENUNCIA Á BOLSA DE MOBILIDADE BILATERAL DA UDC

NOME E APELIDOS _____

DNI _____

Confirmo a miña renuncia á axuda económica da bolsa de mobilidade bilateral da UDC 2019-20 concedida con anterioridade, no caso de que sexa adxudicatario/a da bolsa Santander Grao 2019-20 na resolución de bolsas Santander Grao.

A Coruña/Ferrol,..... de de 2019

sinatura